

回向偈

願以此功德
莊嚴佛淨土
上報四重恩
下濟三塗苦
若有見聞者
悉發菩提心
盡此一報身
同生極樂國

佛曆二五三八
年歲次甲戌
佛陀涅槃日
恭印三仟部
中華民國八十三年

大般涅槃經

中冊

倡印者：隆峰寺

印贈者：隆峰寺三寶弟子

地址：高雄市三民區民族一路三三三之二號

電話：(〇七)三八二四六四九

承印者：和裕出版社

地址：台南市海佃路二段六三六巷五號

電話：(〇六)二五六六四四三

(非賣品)

涅槃降魔咒

阿磨隸

毗磨隸

涅槃隸

瞢伽隸

醯磨羅

若竭裨

三曼那跋提

娑婆他

娑檀尼

婆羅磨他娑檀尼

摩那斯

阿拙啼

毗羅祇

菴羅賴坻

婆嵐彌

婆嵐磨莎隸

富泥

富那摩奴賴綈

發願偈

誓向此身修般若

常觀我佛住泥洹

不離因緣所起心

即見空中無相體

若效雪山書樹石

或於田里舉筌蹄

普願猶如妙吉祥

俱時明了如來性

大般涅槃經卷第十五

北涼三藏曇無讖譯梵

劉宋沙門慧嚴慧觀同謝靈運再治

梵行品第二十之二

復次善男子。菩薩摩訶薩修慈悲喜已。得住極愛一
子之地。善男子。云何此地名曰極愛。復名一子。善男
子。譬如父母見子安隱。心大歡喜。菩薩摩訶薩住是
地中。亦復如是。視諸眾生。同於一子。見修善者。生大
歡喜。是故此地名曰極愛。善男子。譬如父母見子遇

患心生苦惱。憫之愁毒。初無捨離。菩薩摩訶薩住是地中。亦復如是。見諸眾生。爲煩惱病之所纏切。心生愁惱。憂念如子。身諸毛孔。血皆流出。是故此地。名爲一子。善男子。如人小時。拾取土塊。穢物瓦石。枯骨木枝。置於口中。父母見已。恐爲其患。左手捉頭。右手挑出。菩薩摩訶薩住是地中。亦復如是。見諸眾生。法身未增。或行身口意業不善。菩薩見已。則以智手。拔之令出。不欲令波流轉生死。受諸苦惱。是故此地。復名一子。善男子。譬如父母所愛之子。捨而終亡。父母愁

惱。願與併命。菩薩亦爾。見一闍提。墮於地獄。亦願與俱。生地獄中。何以故。是一闍提。若受苦時。或生一念改悔之心。我即當為說種種法。令波得生一念善根。是故此地。復名一子。善男子。譬如父母唯有一子。其子睡寤。行住坐臥。心常念之。若有罪咎。善言誘諭。不加其惡。菩薩摩訶薩亦復如是。見諸眾生。若墮地獄。畜生餓鬼。或人天中。造作善惡。心常念之。初不放捨。若行諸惡。終不生瞋。以惡加之。是故此地。復名一子。迦葉菩薩白佛言。世尊。如佛所說。其言秘密。我今智

淺。云何能解。若諸菩薩住一子地。能如是者。云何如來昔爲國王行菩薩道時。斷絕爾所婆羅門命。若得此地。則應護念。若不得者。復何因緣不墮地獄。若使等視一切衆生。同於子想。如羅睺羅。何故復向提婆達多說如是言。癡人無羞。食人洩唾。令波聞已。生於瞋恨。起不善心。出佛身血。提婆達多。造是惡已。如來復記當墮地獄一劫受罪。世尊如是之言。云何於義不相違背。世尊。須菩提者。住虛空地。凡欲入城求乞飲食。要先觀人。若有於己生嫌嫉心。則止不行。乃至

極飢猶不行乞。何以故。是須菩提。常作是念。我憶注
昔於福田所生一惡念。由是因緣。墮大地獄。受種種
苦。我今寧飢。終日不食。終不令波於我起嫌。墮於地
獄。受諸苦惱。復作是念。若有眾生。嫌我立者。我當終
日端坐不起。若有眾生。嫌我坐者。我當終日立不移
處。行臥亦爾。是須菩提。護眾生故。尚起是心。何況菩
薩。菩薩若得一子地者。何緣如來出是鹿鹿言。使諸眾
生起重惡心。佛告迦葉。汝今不應作如是難言。佛如
來為諸眾生作煩惱因緣。善男子。假使蚊虻。舂盡海

底。如來終不為諸眾生作煩惱因緣。善男子。假令大地。悉為非色。水為乾相。火為冷相。風為住相。三寶佛性。及以虛空。作無常相。如來終不為諸眾生作煩惱因緣。善男子。假使毀犯四重禁罪。及一闡提。謗正法者。現身得成十力無畏。三十二相。八十種好。如來終不為諸眾生作煩惱因緣。善男子。假使聲聞辟支佛等。常住不變。如來終不為諸眾生作煩惱因緣。善男子。假使十住諸菩薩等。犯四重禁。作一闡提。誹謗正法。如來終不為諸眾生作煩惱因緣。善男子。假使一

切無量眾生。斷滅佛性。如來究竟入般涅槃。如來終
不為諸眾生作煩惱因緣。善男子。假令擲罽毘繫縛
風。齒。舂。破。鐵。爪。壞。須。彌。如來終不為諸眾生作煩惱
因緣。寧與毒蛇同共一處。內其兩手。餓師子口。佉陀
羅炭。用洗浴身。不應發言。如來世尊。為諸眾生作煩
惱因緣。善男子。如來真實。能為眾生斷除煩惱。終不
為作煩惱因緣。善男子。如汝所言。如來往昔殺婆羅
門者。善男子。菩薩摩訶薩。乃至蟻子。尚不故殺。況婆
羅門。菩薩常作種種方便。惠施眾生無量壽命。善男

子。夫施食者。則為施命。菩薩摩訶薩行檀波羅蜜時。常施眾生無量壽命。善男子。修不殺戒。得壽命長。菩薩摩訶薩行尸波羅蜜時。則為施與一切眾生無量壽命。善男子。慎口無過。得壽命長。菩薩摩訶薩行屢提波羅蜜時。常勸眾生莫生怨想。推直於人。引曲向己。無所諍訟。得壽命長。是故菩薩行屢提波羅蜜時。已施眾生無量壽命。善男子。精進修善。得壽命長。菩薩摩訶薩行毗梨耶波羅蜜時。常勸眾生勤修善法。眾生行已。得無量壽。是故菩薩行毗梨耶波羅蜜時。

已施眾生無量壽命。善男子。修攝心者。得壽命長。菩薩摩訶薩。行禪波羅蜜時。勸諸眾生。修平等心。眾生行已。得壽命長。是故菩薩行禪波羅蜜時。已施眾生無量壽命。善男子。於諸善法。不放逸者。得壽命長。菩薩摩訶薩。行般若波羅蜜時。勸諸眾生。於諸善法。不生放逸。眾生行已。以是因緣。得壽命長。是故菩薩行般若波羅蜜時。已施眾生無量壽命。善男子。以是義故。菩薩摩訶薩。於諸眾生。終無奪命。善男子。汝向所問殺婆羅門時。得是地不。善男子。我時已得。以愛念

故斷其命根。非惡心也。善男子。譬如父母唯有一子。愛之甚重。犯官憲制。是時父母以怖畏故。若擯若殺。雖復擯殺。無有惡心。菩薩摩訶薩。為護正法。亦復如是。若有眾生。謗大乘者。即以鞭撻。苦加治之。或奪其命。欲令改注。遵修善法。菩薩意常作是思惟。以何因緣。能令眾生。發起信心。隨其方便。要當為之。諸婆羅門。命終之後。生阿鼻地獄。即有三念。一者自念。我從何處而來。生此。即自知從人道中來。二者自念。我今所生。為何處。即便自知。是阿鼻獄。三者自念。乘何

業緣。而來生此。即便自知。乘謗方等大乘經典。不信
因緣。爲國主所殺。而來生此。念是事已。即於大乘法
等經典。生信敬心。尋時命終。生甘露鼓如來世界。於
波壽命。具足十劫。善男子。以是義故。我於往昔。乃與
是人十劫壽命。云何名殺善男子。若人掘地刈草。斫
樹。斬截死屍。罵詈鞭撻。以是業緣。墮地獄不_否迦葉菩
薩。白佛言。世尊。如我解佛所說義者。應墮地獄。何以
故。如佛昔爲聲聞說法。汝諸比丘。於諸草木。莫生惡
心。何以故。一切眾生因惡心故。墮於地獄。爾時佛讚

迦葉菩薩。善哉善哉。如汝所說。應善受持。善男子。若
因惡心墮地獄者。菩薩爾時。實無惡心。何以故。菩薩
摩訶薩於一切眾生。乃至蟲蟻。悉生憐憫利益心故。
所以者何。善知因緣諸方便故。以方便力。欲令眾生
種諸善根。善男子。以是義故。我於爾時。以善方便。雖
奪其命。而非惡心。善男子。婆羅門法。若殺蟻子。滿足
十車。無有罪報。蚊蟲蚤蝨。貓子師子。虎狼熊羆。諸惡
蟲獸。及餘能為眾生害者。殺滿十車。鬼神羅刹。拘槃
荼。迦羅。富單那。顛狂乾枯。諸鬼神等。能為眾生作嬖

害者。斬奪其命。悉無罪報。若殺惡人。則有罪報。殺已不悔。則墮餓鬼。若能懺悔。三日斷食。其罪消滅。無有遺餘。若害和尚。及其父母。女人及牛。無數千。在地獄中。善男子。佛及菩薩。知殺有三。謂下中上。下者。蟻子。乃至一切畜生。唯除菩薩。示現生者。善男子。菩薩摩訶薩。以願因緣。示受畜生。是名下殺。以下殺因緣。墮於地獄。畜生餓鬼。具受下苦。何以故。是諸畜生。有微善根。是故殺者。具受罪報。是名下殺。中殺者。從凡夫人。至阿那含。是名爲中。以是業因。墮於地獄。畜生

餓鬼。具受中苦。是名中殺。上殺者。父母乃至阿羅漢。辟支佛。畢定菩薩。是名為上。以是業因。墮於阿鼻大地獄中。具受上苦。是名上殺。善男子。若有能殺一闍提者。則不墮此三種殺中。善男子。波諸婆羅門等。一切皆是一闍提也。譬如掘地刈草斫樹。斬截死屍。罵詈鞭撻。無有罪報。殺一闍提。亦復如是。無有罪報。何以故。諸婆羅門。乃至無有信等五法。是故雖殺不墮地獄。善男子。汝上所言。如來何故罵提婆達多。癡人食唾。汝亦不應作如是難。何以故。諸佛世尊。凡所發